



N 4185/01
26/04/2022

4185-01-2-202204260950



საქართველოს საავტომობილო გზების დეპარტამენტს

საქართველოს გარემოს დაცვისა და სოფლის მეურნეობის სამინისტრომ განიხილა თქვენი, №7397 სკრინინგის განცხადება, რომელიც ეხება ვანის მუნიციპალიტეტში, სოფ. ზედა ვანიდან ქ. ვანამდე მდ. ჭიშურას ნაპირდაცვითი (ნაპირსამაგრი) სამუშაოების განხორციელების პროექტს.

გაცნობებთ, რომ საპროექტო მონაკვეთის (მარჯვენა ნაპირი) მოპირდაპირედ, მდ. ჭიშურას მარცხენა მხარეს, ჭალა-კალაპოტის ზონის მიმდებარედ, ფიქსირდება სტაბილიზაციის პროცესში მყოფი მეწყრული სხეული. ვინაიდან, მომავალში შესაძლებელია ნაპირსამაგრი ნაგებობის მოწყობა საჭირო გახდეს მდ. ჭიშურას მარცხენა ნაპირზე მეწყრული სხეულის ძირის გასწვრივ, აღნიშნული საკითხი გათვალისწინებული უნდა იქნეს წარმოდგენილ სკრინინგის განცხადებაში. დოკუმენტში მითითებული უნდა იქნეს ასევე ინფორმაცია იმის შესახებ, რომ ნაპირსამაგრი ნაგებობის მოწყობა განხორციელდება დეტალური ჰიდროლოგიური და საინჟინრო-გეოლოგიური (გეოტექნიკური) კვლევების საფუძველზე შედგენილი პროექტის მიხედვით, ქვეყანაში მოქმედი სტანდარტების, სამშენებლო ნორმებისა და წესების დაცვით.

ზემოაღნიშნულიდან გამომდინარე, სამინისტრო კანონმდებლობის შესაბამისად სკრინინგის გადაწყვეტილების გაცემის მიზნით ადმინისტრაციულ წარმოებას დაიწყებს მითითებული შენიშვნის გათვალისწინებით შესწორებული სკრინინგის განცხადების წარმოდგენის შემდეგ.

ნინო თანდილაშვილი

მინისტრის მოადგილე

